

道迹靈仙記

七

六官名第一

羅鄴山在北方之癸地山高二千六百里周迴三萬里其山下有洞天在山之下周迴一萬五千里其上其下並有鬼神宮室山上有六官洞中復有六官一官輒周迴千里是為六天鬼神之官也山上為外官洞中為內官制度等耳

第一官名為射絕陰天宮第二官名為太殺諫事宗天宮第三官名為明展耐犯武城天宮第四官名為恬照罪氣天宮第五官名為宗靈七非天宮第六官名為敢司遠宛屢天宮凡六天宮是為鬼神六天之治也洞中六天宮亦同名相像如一號六天內外官殿者也世人有知鄴都六天宮門名則百鬼不敢為害欲射時先向北呪之三過徹其音也神呪曰吾是太上弟子下統六天六天之官是吾所部不但所部乃太上之所主吾知六天門名是故長生敢有犯者太上斬汝第一官名射絕陰

大官以次東行第二從此以次訖六官止乃擊齒六下乃卧辟諸鬼魔之惡人初死皆先詣射絕陰天宮中受事或有先詣名山及泰山江河者不必便徑先詣第一天也要受事之日罪考吉凶之目當來詣此第一天宮耳

太殺天宮主殺鬼是第二天也卒死暴亡又經於此也賢人聖人去世先經明展第三天宮受事禍福吉凶宿命罪害由恬照第四天宮鬼官北斗君治此中鬼官之北斗非天上之北斗也鬼官別有北斗君以司生殺耳

鬼官之太帝者北帝君也治第一天宮中總主諸六天宮餘四天宮其四明公各在其中治二天宮輒立一官六天凡立為三官三官如今之刑名之職主諸考論常以上屬真仙司命兼以總御之也並統仙府共司死生之任大斷制皆由仙官

鬼官北斗君是道家七辰北斗之考官耳此鬼一官又隸九星之精上屬北辰玉君項梁成作鄴都頌曰射絕操希晨 諫事遠重阿 炎如雷中煙

勃若景耀華 武城帶神峯 恬照吞青河 閻闡臨丹井 雲門營嵯峨 七非通奇蓋 連宛亦數魔 六天橫北道 此是鬼神家 頌有二萬言今畧道六天之官銘鈔出之耳 夜中亦可微讀亦云辟鬼邪

鄴都山上樹木水澤俱如人間但稻粒如石榴子大味如菱其餘四穀故爾但名稻名重思耳杜瓊作重思賦曰霏霏春茂翠矣重思靈氣交被嘉穀應時四節既享祝人以祠神未鬱于浩京巨搃橫我玄臺爰有明祥帝者以照此之謂矣

鄴都稻名重思其米如石榴子粒異大色味如菱亦以上獻仙官 鬼神主第二 炎慶甲者古之炎帝也今為北太帝君天下鬼神之主也

武王發今為鬼官北斗君夏啓為東明公領斗君師文王為西明公領北帝師名公藥為南明公吳季札為北明公四明公復有寶友四人然此四公後並當受化形之道升仙階

之下也四明主領四方鬼四明郎十六人主天下房廟鬼之血食

周顛為鬼官司命帥今鄧嶽程選二人代以其多事故也

西明都禁郎賈誼昔為治馬融事不當默守

泰山泰山君近請為司馬

南門亭長今用周撫代都鑿一天門有二亭

長一亭長輒有四修門郎一天門凡八修門

郎也門郎為天門亭長下官此是北帝門也

北斗君天門亭長今是滅洪滅洪代隗囂又

一人是王波新補

紀瞻本為撫河將軍司馬今為北天修門郎

代田銀瞻與虞諱更直一日守天門

魏劍領廬山侯

顧和從遼東戍還有事已散北帝君當用為

執蓋郎執蓋郎范明選補典柄侯

殷浩侍帝晨與何晏對

濕太真為監海開國伯治東海近取杜預為

長史位比大將軍長史

何次道始從北帝內禁御史得還朱火宮受

化以其先多施惠之功故也

魏武帝為北若太傳其餘多不能復一二此

蓋鬼神之事不足示於世也荀公言也

人卧法第三

人卧牀當令高高則地氣不及鬼吹不干鬼

氣之侵人常依地而逆上耳

人卧室宇當令潔淨淨則受靈氣不淨則

受故氣故氣之亂人室宇者所為不成所作

不立一身亦爾當數洗沐燥燥不爾無其

勿道學道道學道鬼犯人事不立使人病是

體未真故也山世遠受孟先生法暮卧先讀

黃庭內經一過乃眠使人鬼鬼自練制但行

此二十一年亦仙是為合萬過也夕得三四

過地佳北嶽蔣夫人云讀此亦使人無病是

不死之道也

夜行啜齒第四

夜行常啜齒啜齒亦無限數也殺鬼邪鬼常

啜啜齒聲是故不得犯人也若兼之以漱液

呪說益善

昔鮑助者濟北人都不學道亦不知法術年

四十餘忽得面風口目不正風氣入口而兩

齒上下常相切拍甚有聲響如此晝夜不止

得壽年百二十七歲後乃遇寒遇大水墮長

壽河中死耳北帝中間亦比遣殺鬼及日遊

地狹使取之而此數殺鬼終不敢近助鬼官

問其故天殺答云此人乃多方術以制於我

常行叩齒鳴打天鼓以警身中精神不得散

鬼烝不得入是以無有緣起趣得殺之耳以

此論之若助不行水渡河亦或可出千歲壽

不警也當是遇大寒凍步行水上口禁不能

復叩齒是故鬼因弱著河中耳患風病而齒

自叩動者猶高解不死却殺鬼矣何況道士

真叩齒鳴天鼓具身神耶仙方云常吞液叩

齒使人反少

太帝官籍第五

侍帝晨有八人徐庶龐得爰榆李廣王嘉何

晏解結殷浩等居之並如世之侍中

四明公及北斗君並有侍帝晨五人其向者

八人是北太帝官籍耳其選用亦同

又有中郎直事四人如世之尚書也戴淵公

孫度劉封郭嘉此四人今見在職封者是玄
德之養子玄德今為北河侯與韓遂對統今
屬仙官

又有大禁晨二人如今尚書令漢光武及孫
文臺二人居之

又有中禁晨如今之中書令監有二人類像
楊彪二人居之懷字思季彪字文先者也

許長史父今為南彈方侯彈方侯有二人各
司南北許長史父為南彈方侯留贊為司馬

鮑勳為北彈方侯韋遵為司馬亦各主南北
門齋許領威南兵千人鮑勳領威北兵千人

大都備門主收執而已如今世上有羽林監
威南兵威北兵如道家天丁力士甲卒之例

也

孫策為東明公賓友

漢高為南明公賓友

晉宣為西明公賓友

荀彧為北明公賓友其中宿運前生在世有
陰德惠拯者乃時有樞補天官或入南宮受
化不拘職位也在世之罪福多少迺為稱量

處分耳大都行陰德多世窮厄例皆速入南
宮為仙化之道也

度元規為北太帝前中衛大將軍取郭長翔
為長史以華韶為司馬此所謂軍公者也領
鬼兵數千人

孔文學為後中衛大將軍以張繡為司馬唐
因為長史

陶侃為西河侯亦領兵數千近求滕舍自代
猶未許侃以徐寧為長史坐收北關叛將不
擒免官當以發讓代寧

四鎮皆領鬼兵萬人中官領兵不過數千四
鎮有泰山君盧龍公東越大將軍南巴侯四

官各領一萬人也

何曾為南巴侯

曹仁為盧龍公

劉陶為東越大將軍

荀顛為泰山君領兵一萬鎮處亦有數百處
也領數千鎮處亦有數百處更相統轄耳皆
有長史司馬頭取願眾為泰山將軍用曹洪
為司馬拒範為長史

王逸少有事繫禁中已五年云事已散
蔣濟為南山伯領二千兵

王廙為部鬼將軍此有職位者粗相識知姓
字耳其無位者不可一二盡知之也如此散
者無限數也指記中國人邊方不可一二

許登今為東明公右帥晨帥晨之任如世間
中書監

邵輿為東明公云行上補九宮右保公
地下主者復有三等鬼帥之號復有三等並

是世有功德積行所鍊或身求長生涉道所
及或子弟善行庸樞祖禍或諷明洞玄化流

昆祖夫求之者非一而獲之者多途矣要由
世積陰行然後階此廣生耳鬼帥武解主者

文解俱仙之始也亦度名東華簡判上帝不
隸野官不受制度三官之府失其一等地下

主者散在外舍閑停無業不受九宮教制不
聞鍊化之業雖俱在洞天而是主者之下者

也比自按四明法一百四十年依格得進耳
一進始得步仙階給仙人使令其二等地下
主者便徑得行仙階給仙人四十年進補管

禁位管禁之位如世間散吏者也此格即下
 主者之中條也李東等今在一等中其三等
 地下主者即主者之高者也便得出入仙人
 之堂寢遊行神州之鄉出館易遠重初二府
 入宴東華上臺受學化形唯景易氣十二年
 氣攝神魂十五年神來藏魄三十年棺中骨
 還附神神氣四十年平復更生還遊人間五
 十年位補仙官六十年得遊廣寒百年得入
 崑崙之宮此即主者之上者仙人之縱容矣
 張華子等先在第三等中亦始得入易遷耳
 鬼帥之位次亦如此矣右七月二十四日能保命君告

靈人辛玄子自序并詩

辛玄子字延期隴西定谷人也漢明帝時諫
 議大夫上洛雲中趙國三郡太守辛隱之子
 也玄子少好學有道尊奉法戒至心苦行日
 中兼食鍊形守精不遺外物州府辟聘一無
 降就或遊山林棄世風塵志願逢子晉於緱
 岑旅凌陽以赤玄故改名為玄子而自字為
 延期矣不圖先世多愆殃流子孫結骨刑於
 帝簡運沉遠於後昆享年不永遂沒命於長

梁之津西王母見我苦行鄧都上帝愍我道
 心告勅司命傳檄三官攝取形骸還魂復真
 使願胎位為靈神於今二百餘年矣近得度
 名南宮定策朱陵藏精待時方列為仙而太
 帝今且見差領東海侯代度生又見還補禁
 中郎將為吳越鬼神之司主事靡濫斯亦勞
 矣若夫冠晨佩青蕭條羽袂鳴鈴仙階轉軒
 瓊室者雖實素心而卒未有日也恨未便得
 與玄真併羅同宴崑崙之壙察鈞韶之遺音
 振瓊芝半幽峯振翠衣於九霄儻雲翮於十
 方耳方當攝御群鬼領理是非處眾職之中
 聞聲交於邪魔之紛紜事與道德為闊眼與
 躬真為疎熱比熙寂於玄境逍遙於太初哉
 夫同聲偕合物亦類分相開邈矣係景委積
 是以名書上清丹籙玄階有道之氣與靈合
 德託體高暉故來相從今贈詩三篇以敘推
 情之至也其詞曰

晴昔入冥鄉願駕應靈招神隨室無散赤與
 慶雲消形非明玉質玄匠安能雕躡足吟幽
 唱仰手翫鳴條林室有逸歡絕此軒外交遠

景附圓曜嘉音何家家
 寂通寄興感玄炁攝動音高輪雖參差萬仞
 故來尋蕭蕭研道子合神契靈杓委願浪世
 化心操窈窕林同期理外遊相與靜東岑
 命駕廣鄧阿逸迹超冥鄉空中自有物有中
 亦無常悟言有無際相與會濛濛目擊玄解
 子鬼神理自忘

玄子云魏時辛毗字佐治是其七世之孫也
 漢建武二年從隴西徙居潁川陽翟縣毗仕
 魏世使持節大將軍司馬宣王軍帥衛尉侯
 毗子名敞為河內太守太常卿玄子云度生
 者是晉度太尉也北帝往用為撫東將軍後
 又轉為東海侯今又用為鄧臺侍帝晨如今
 世侍中右禁監如世右衛將軍而甚重
 左禁監是謝幼與以鄧侯為司馬

郝南昌公先為北帝南朱陽大門靈關侯後
 又轉為高明司直昔坐與劉慶孫爭免官今
 始當復職也高明司直如世間尚書僕射
 何次道今在南宮承華臺中已得受書行至
 南嶽中此人在世時施惠之功甚多故早得

反形也

周伯仁近見用為西明公中都護中都護如世太傅之官也坐選鄧攸不平左降為中護中護准少傅是辛亥子所言說與中華亦多矣今相書一隔耳不復一二之也

裴君說一年中得道人第七

霍山中有學道者鄧伯元王玄甫受服青精石飯吞日丹景之法精思洞房以來積三十四年乃內見五藏冥中夜書以今年五月五日大帝遣羽車見迎伯元玄甫以其日遂乘雲駕龍白日登天今在北玄圃臺受書位為中真人

華陽山中有學道者尹度子張石生李方回並晉武帝時人受仙人管城子蒸丹餌木法俱服得延年日德中又受蘇門周壽陵服丹霞之道從來五十年精心內視不復飲食體骨輕便色如童子以今年二月十二日太一遣迎以其日乘雲昇天今在玄州受書為高仙人石生為東源伯

衡山有學道者張禮正李明朝二人禮正以

漢末在山中服黃精顏色丁壯常如年四十

明期以魏末入山服澤瀉相寶丸乃共同止巖中後俱受西城君虹景神丹方從來服此丹已四十三年中思丹沙之難得俱出廣州為遊客是滕舍為刺史時也遂內外洞徹眼

明身輕一日行五百里又兼守一亦已三十

年以三月一日東華遣迎以其日乘雲昇天今在方諸楓室為上仙

廬江潛山中有學道者鄭景世張重華並以晉初受仙人孟德然口訣以入山行守五藏含日法兼服胡麻又服玄丹久久不復食飲而身體輕強及易故形以今年四月十九日北玄老太一迎以雲輅白日昇天今在玄州

括蒼山有學道者平仲節河東人以大胡亂中國時來渡江入括蒼山師宋君存心鏡之道具百神行洞房事如此積四十五年中精思身形更少體有真炁今年五月一日中央黃老遣迎即日乘雲駕龍白日昇天今在滄浪雲臺

刻小白山中有學道者趙廣信陽城人魏末

渡江入此山受李法成服炁法又師左君守

玄中之道內見五藏徹視法如此十八年周旋郡國或賣藥出入人莫知也多來郡下市丹砂作九華丹丹成服太一適君以今年六月十七日遣迎停三日與山中同志別去遂乘雲駕龍白日登天今在東華海中

復伍山中有學道者虞翁生會稽人昔受仙人介君食日精法以吳時來隱此山兼行雲

氣迴形之道精思積久形體更少如童子今年七月二十三日東華大帝遣迎即日乘雲昇天今在陽谷山中

赤水山中有學道者朱孺子吳末入此山服菊華及木餌後遇西歸子從乞度世西歸子授以要言入室存炁九法三十年遂能致雲雨於洞房中今年八月五日西王母遣迎即日乘五色雲車登天今在積石室

名山五嶽中學道者數百萬人今年有得道而昇天者人名如別年年月月皆有去者如此不可悉紀今為疏一年之得道人耳有不

樂上昇而長在五嶽名山者亦不可勝數或

為仙官使封掌名山者亦復有數千
夜清室

東鄉道季主等第八

司馬季主後入委羽山石室大有宮中受石
精金光藏景化形法於西靈子都西靈子都
者太玄仙女也其同時今在大有室中者廣
宵鮑叔陽太原王養伯頽川劉偉惠代郡段
季正俱受師西靈子都之道也季主臨去之
際託形枕席為戊己之像墓在蜀郡成都升
盤山之南諸葛武侯昔建碑銘季主墓前碑
讚曰

玄漠大寂混合陰陽天地交伴萬品滋彰先
生理著分別柔剛鬼神以觀六度顯明

廣宵鮑叔陽者漢高帝時趙王張耳張敖之
大夫也少好養生服桂屑而卒於語笑間今
墓在遼東城之北山

太原王養伯者漢高呂后攝政時中常侍中

郎王採者少服澤瀉與留侯張良俱採藥於
終南山而養伯不返師事季主

頽川劉偉惠漢景帝時公車司馬劉諷者也

後事季主晚服日月氣為入室弟子道成晚
歸鄉里託形杖履身死桑樹之下今墓在汝
南安城縣西山

代郡段季正本隱士者也不見有所服御晚
乃從季主學道行度秦川俱得尸解而遂葬
於川邊今南鄉秦川是也此人亦季主入室

弟子
季主一男一女俱得道男名法育女名濟華
今皆在委羽山中濟華今日正讀三十九章
猶未過竟

季主讀玉經服明丹之華挹扶晨之暉今顏
色如二十女子鬚長三尺黑如墨也昨日東
鄉君道如此所疏真奇事也不知此云何耳

季主託形隱景潛跡委羽紫陽傳具載其事
昨夜東鄉至聊試請問季主本末東鄉見答
今疏如別為以上呈願不怪之省託付火是

後聖季君紀也大都與前者略同然東鄉復
兼有注解近萬餘言大奇作也昨來多論神
化之事聊及季主耳去月又見授神虎經解
注非世所聞亦自不賞其旨也若更聞如季

主之比者自當審白

道迹靈仙記